

**EH Bildu talde politikoa**

Grupo político EH Bildu

Ijentea, 1 - 20003 Donostia

Tel. 943481027 eh\_bildu@donostia.eus— [www.donostia.ehbildu.eus](http://www.donostia.ehbildu.eus)

## KONTROL MOZIOA

### Emakumeen Etxeko kontratazioei buruzkoa

Reyes Carrere Zabala EH BILDU udal talde politikoko zinegotziak, Udalbatzaren Organo Araudiko 98. artikulua oinarri hartuta, mozio hau aurkezten du Udalbatzan azter dadin. Mozioa 2022ko irailaren 19an Pertsonentzako Zerbitzuen Batzordean aztertutako interpelazioaren ondorioa da.

## JUSTIFIKAZIOA

Emakumeen Etxearen egoera gero eta jasangaitzagoa da. Sarritan salatu dugu eraikinaren prekaritate egoera: espazio falta, sotoko hezetasuna, aireztapen eskasa, irisgarritasun arazo larriak eta abar. Eta orain, egoera horri langile falta gehitu behar zaio.

Gaur egungo egoera honako hau da: apirilaren 30era arte bi udal langile aritu dira Emakumeen Etxean lanean. Horietako batek, antzinasun handienekoak, egun horretan bertan erretiroa hartu zuen, eta bigarrena 2022ko martxoaren 7tik ari da bertan lanean, urtebeteko programa-kontratu batekin. Baina, lau hilabete igaro ondoren, Udal Gobernuak oraindik ez du bete maiatzetik dagoen hutsunea.

Hortaz, sinestezina dirudien arren, gaur egun pertsona bakarra ari da biren lan-bolumena bere gain hartzen. Eta hori gutxi balitz bezala, langile horrek ez daki gaur egun betetzen duen lanpostua baldintza berberetan eskaintzen jarraituko duen Udal Gobernuak edo, aitzitik, kontratua amaitutakoan (hau da, 2023ko martxoaren 7an) lanik gabe geratuko den.

Zaila da ezegonkortasun-egoera hori ulertzea urtean ehunka – milaka. hobeto esanda – emakume artatzen dituen udal-zerbitzu batean. Guztiz ezinezkoa da pertsona bakar batek, are gutxiago lan-baldintza horietan, berme osoz artatzea Emakumeen Etxera joaten diren emakume guztiak.

Ez dakigu oso ondo udal gobernu hau zeren zain dagoen irtenbide bat aktibatzeko. Oraingo honetan ez dago aitzakiarik. Izan ere, kontratazio berri bat egitea Udal Gobernuaren esku baitago. Baina, horretarako borondate politikoa behar da, noski.

Interpelatuta, zinegotziak batzordean erantzun zuen Udal Gobernuak erabat jabetzen dela Emakumeen Etxearen egoeraz, eta jakinarazi zuen eskaera Balorazio Mahaian dagoela, baina ez

## **EH Bildu talde politikoa**

Grupo político EH Bildu

Ijentea, 1 - 20003 Donostia

Tel. 943481027 eh\_bildu@donostia.eus— [www.donostia.ehbildu.eus](http://www.donostia.ehbildu.eus)

dakiela noiz egingo den kontratazioa. Emandako erantzunen arabera, harrigarria da ziurgabetasun egoera horren aurrean, Udal Gobernuako ordezkaria hutsune hori betetzeko premiazko konponbiderik proposatzeko gai ez izatea, gaur egun zerbitzu horren kalitatea ez baitago bermatuta.

Baina harrigarria da, era berean, gaur egun goizez Emakumeen Etxean lan egiten duen langilearen baja hipotetiko baten aurrean, zinegotziak erantzun izana beste berdintasun-teknikari batek ordezkatzeko zuela, berak ondo baitaki, edo ondo jakin beharko bailuke, sail horretan ordezkorik gabeko eta iraupen luzeko beste baja bat dagoela, eta sail horretako langileek egoera horren ondoriozko lan-gainkarga jasaten dutela.

Laburbilduta, beraz, sail horrek dituen sei lanpostuetatik bi bete gabe daude gaur egun eta hirugarren bat behin-behineko egoeran dago, datorren urteko martxoaren 7an amaituko den programa-kontratu batekin. Lan-prekaritatea agerikoa da, eta egoera horrek zerbitzuaren kalitateari ere eragiten dio.

Horiek horrela, honako hau da behean sinatzen duen zinegotziak aurkeztutako KONTROL MOZIOA:

### **KONTROL MOZIOA**

- Donostiako Udalbatzak hertsatuki eskatzen dio Udal Gobernuari Emakumeen Etxean goizeko ordutegian hutsik dagoen lanpostua bete dezala epe laburrean eta premiaz.
- Donostiako Udalbatzak hertsatuki eskatzen dio Udal Gobernuari Berdintasun Sailean baja luzean dagoen langilea ordezkari dezala epe laburrean eta premiaz.
- Donostiako Udalbatzak hertsatuki eskatzen dio Udal Gobernuari lehenbailehen bilera egin dezala Berdintasun Saileko langileekin bi langile kontratatze emango dituen pausoen berri emateko.
- Donostiako Udalbatzak hertsatuki eskatzen dio Udal Gobernuari lehenbailehen txosten bat egin dezala Berdintasun Saileko bi langileren faltak gainerakoen eginkizunetan eta, oro har, zerbitzuaren kalitatean dituen ondorioez.

Donostian, 2022ko irailaren 23an

Reyes Carrere Zabala,

EH Bildu udal taldearen zinegotzia.